

Na osnovu Poglavlja IV, Odjeljak A, člana 23. tačka b) Ustava Bosansko-podrinjskog kantona Goražde ("Službene novine Bosansko-podrinjskog kantona" broj: 8/98, 10/00 i 5/03) i člana 109. Poslovnika Skupštine Bosansko-podrinjskog kantona Goražde ("Službene novine Bosansko-podrinjskog kantona" broj: 10/08 i 6/19), Skupština Bosansko-podrinjskog kantona Goražde, na 6. vanrednoj sjednici, održanoj 19. maja 2020. godine, **d o n o s i:**

Z A K O N

O UBLAŽAVANJENEGATIVNIH POSLJEDICA UZROKOVANIH STANJEM NESREĆE

I – OPĆE ODREDBE

Član 1. **(Predmet zakona)**

Ovim Zakonom utvrđuju se izvori sredstava i način korištenja istih u cilju ublažavanja posljedica uzrokovanih proglašenjem stanja nesreće na području Bosansko-podrinjskog kantona (u daljem tekstu: Kanton).

Član 2. **(Cilj zakona)**

Cilj donošenja zakona je stavljanje u funkciju novčanih sredstava kao pomoći dodjeljene u vidu subvencije za prevazilaženje posljedica nastalih kao rezultat pandemije korona virusa, te donošenje drugih mjera kojima će se ublažiti posljedice prirodne nesreće.

Član 3. **(Značenje pojmova)**

Pojmovi koji se koriste u ovom zakonu imaju sljedeće značenje:

- a) **korisnici subvencije** u smislu ovog zakona su: pravna lica, odnosno privredna društva, izuzev javnih preduzeća, banaka i drugih finansijskih organizacija, udruženja, javnih institucija, organa uprave, organa i jedinica lokalne samouprave, te fizička lica koja samostalno obavljaju registrovanu poslovnu djelatnost.
- b) **stanje nesreće** u smislu ovog zakona je vremenski period važenja Odluke o proglašenju stanja nesreće uzrokovano pojavom koronavirusa (COVID-19) na području Federacije Bosne i Hercegovine („Službene novine Federacije BiH”, broj: 21/20).

Član 4. **(Primjena zakona)**

(1) Odredbe ovog Zakona odnose se na sve poslovne subjekte koji ispunjavaju uslove propisane ovim zakonom.

(2) Ukoliko su drugi zakoni u nadležnosti kantona u suprotnosti sa ovim zakonom primjenjivat će se ovaj Zakon.

II - IZVORI SREDSTAVA ZASUBVENCIJE

Član 5. (Izvori sredstava)

(1) Sredstva za subvenciju obezbjedit će se u Budžetu Bosansko-podrinjskog kantona za 2020. godinu (u daljem tekstu: Budžet).

(2) Strukturu sredstava iz stava (1) ovog člana čine sredstva izdvojena na namjenskim računima Bosansko-podrinjskog kantona Goražde, te sredstva koja će u Rebalansu Budžeta Bosansko-podrinjskog kantona Goražde biti izdvojena iz programa i projekata koji se neće ili će se djelimično realizovati u 2020. godini i ista će biti locirana na jedinstvenom podračunu iz člana 6. ovog zakona.

(3) Sredstva sa podračuna će se koristiti isključivo za namjene saniranja zdravstvenih, socijalnih i ekonomskih posljedica proglašenja stanja nesreće i odluku o visini i prenamjeni odobrenih sredstava sa pojedinih podračuna donosi Vlada Bosansko-podrinjskog kantona Goražde.

(4) Ne postoji obaveza vraćanja namjenskih sredstva utrošenih na ovaj način na posebne podračune u Budžetu Bosansko-podrinjskog kantona Goražde.

Član 6. (Planiranje i odobravanje sredstava)

(1) Sredstva za subvenciju korisnicima subvencije planiraju se na posebnom podračunu u okviru Jedinstvenog računa trezora Kantona, te u Budžetu u okviru razdjela 11, Vlade Bosansko-podrinjskog kantona Goražde, na posebnim ekonomskim kodovima:

- subvencije poduzetništvu i obrtu privrednim preduzećima i poduzetnicima
- tekući transfer za zdravstvo
- tekući transfer pojedicima.

(2) Odluke o dodjeli sredstava iz stava (1) ovog člana donosi Vlada Bosansko-podrinjskog kantona Goražde

(3) Visina sredstava za subvencioniranje iznositi će do 3% Budžeta Bosansko-podrinjskog kantona Goražde.

III - OBLIK SUBVENCIJE

Član 7. (Oblik subvencije)

(1) Sredstva za subvenciju korisnicima subvencije, mogu biti odobrena u obliku isplate određenog iznosa, maksimalno do visine minimalne neto plaće po svakom radniku, počevši od obračuna i isplate neto plaće za april 2020. godine i svaki naredni mjesec, uključujući i obračun i isplatu plaća i za mjesec nakon prestanka stanja nesreće, bez obzira na iznos isplaćene neto plaće od straneposlodavca.

(2) Isplata određenog iznosa, maksimalno do visine minimalne neto plaće u smislu stava (1) ovog člana podrazumjeva, da, nakon što porezni obveznik izvrši obračun i isplatu neto plaće radnika sa pripadajućim porezima i doprinosima, ostvaruje pravo na refundaciju obračunate i isplaćene neto

plaće u određenom iznosu maksimalno do visine minimalne neto plaće iz sredstava Budžeta.

(3) Odluku o utvrđivanju određenog iznosa, maksimalno do visine minimalne neto plaće u smislu ovog člana donosi Vlada Kantona, na prijedlog Ministarstva finansija, pojedinačno za svaki mjesec za koji se ostvaruje pravo nasubvenciju.

(4) Sredstva izdvojena po ovom zakonu mogu se koristiti i na način subvencioniranja kamata za korisnike u slučaju da Vlada Bosansko-podrinjskog kantona Goražde napravi takav aranžman sa nekom od poslovnih banaka.

IV - USLOVI I NAČIN ZA DODJELU SUBVENCIIJA

Član 8.

(Uslovi za dodjelu subvencija)

Korisnik subvencije obavezan je ispunjavati sljedeće uslove:

a) da ima sjedište na području Kantona, što se dokazuje ovjerenom kopijom izvoda iz sudskog registra za pravna lica ili rješenjem o registraciji od nadležnog gradskog/općinskog organa za fizička lica/obrtnici,

b) da je porezni obveznik zaključno sa februarom 2020. godine obračunao i isplatio plaće sa pripadajućim porezima i doprinosima, što se dokazuje uvjerenjem nadležne porezne uprave ili da ima izmirene obaveze po osnovu sporazuma sa nadležnom poreznom upravom o izmirenju duga po osnovu poreza i doprinosa, kao i oni na koje se odnose federalni propisi o finansijskoj konsolidaciji

c) da im je zabranjeno obavljanje djelatnosti naredbama štabova civilne zaštite,

d) da je zadržan broj prijavljenih radnika na dan 29.02.2020.godine, osim onih radnika kojima je istekao ugovor o radu i/ili koji su sporazumno prekinuli radni odnos.

Član 9.

(Način za dodjelu subvencije)

(1) Postupak dodjele subvencije iz člana 8. ovog zakona vrši Ministarstvo za privredu Bosansko-podrinjskog kantona Goražde po prethodno utvrđenim procedurama.

(2) Konačnu odluku o korisnicima subvencije i visini iste na prijedlog Ministarstva za privredu donosi Vlada Bosansko-podrinjskog kantona Goražde.

(3) Postupak, kriterije i način dodjele sredstva sa podračuna koja su planirana za saniranje zdravstvenih i socijalnih posljedica proglašenja stanja nesreće utvrdit će svojom Odlukom Vlada kantona na prijedlog Ministarstva za socijalnu politiku, zdravstvo, raseljena lica i izbjeglice.

V - IZVJEŠTAVANJE

Član 10.

(Izveštavanje o utrošku sredstava)

Korisnici subvencije obavezni su dodijeljena sredstva koristiti namjenski i dostaviti izvještaj o utrošku odobrenih sredstava, u roku od 15 dana od dana doznačavanja sredstava na transakcijski račun korisnika subvencije.

VI - NADZOR

Član 11. (Inspekcijski nadzor)

Inspekcijski nadzor zakonitosti, blagovremenosti i namjenskog korištenja sredstva odobrenih na osnovu ovog Zakona obavlja nadležna budžetska inspekcija.

VII - KAZNE NE ODREDBE

Član 12. (Prekršajna odgovornost)

(1) Novčanom kaznom u iznosu od 10.000 KM do 20.000 KM bit će kažnjeno za prekršaj odgovorno lice korisnika subvencije ili drugo odgovorno lice ako odobrena sredstva iskoristi suprotno namjeni utvrđenoj članom 7. stav (1) ovog Zakona.

(2) Novčanom kaznom u iznosu od 5.000 KM do 10.000 KM bit će kažnjeno za prekršaj odgovorno lice korisnika subvencije ili drugo odgovorno lice ako u roku utvrđenom u članu 10. ovog zakona ne dostavi izvještaj o utrošku odobrenih sredstava.

VII - PRELAZNE I ZAVRŠNE ODREDBE

Član 13.

Ovaj Zakon stupa na snagu narednog dana od dana objavljivanja u "Službenim novinama Bosansko-podrinjskog kantona Goražde", a primjenjuje se od dana stupanja na snagu Odluke o izmjeni i dopuna Budžeta Bosansko-podrinjskog kantona Goražde kantona za 2020.godinu, a važi 30 dana po prestanku primjene Odluke Vlade Federacije Bosne i Hercegovine o proglašenju stanja nesreće uzrokovane pojavom koronavirusa (COVID-19) na području Federacije Bosne i Hercegovine („Službene novine Federacije BiH“, broj: 21/20).

Broj: 01-02-297/20
19. maja 2020. godine
G o r a ž d e

PRESJEDAVAJUĆA SKUPŠTINE

Edita Velić